



TE PUKAPUKA POUAKO

TE TOI ATAATA



TE KAUPAE 1

92086 | Te whakamahi i ngā āhuatanga toi ataata kia puta ai he mahinga toi.
(Ngā Whiwhinga: E 4)

Te Rā Tuku Aromatawai ā-Waho: Te Wāhanga 4–Te 29 o Oketopa, 2025

Te Whārangi Ihirangi

He Kete Manarua	2
92086 Te whakamahi i ngā āhuetanga toi ataata kia puta ai he mahinga toi	
Te Tūmahi Aromatawai ā-Waho	4
He Whakamārama	4
Te Mahi a te Ākonga	4
Te Paerewa Paetae	5
Te Tautuhinga Aromatawai ā-Waho	8
Te Whakatakotoranga Aromatawai ā-Waho	8
Ngā Herenga Aromatawai ā-Waho	8
Te Motuhēhē o ngā mahi o ngā ākonga	9
Te Tāpaetanga me te Hāponotanga	9
Te Mahere Aromatawai ā-Waho	10



He Kete Manarua

Ko te **KETE** i pū mai i te pā harakeke, ā, he whakapapa tōna.

He **MANA** tōna, ā, e **RUA** hoki ōna āhuetanga. Ko ngā taonga tuku iho ka kohikohia e te ākonga, ka tahi. Ka rua, ko te whakapiki i te mana motuhake o te ākonga, o ōna hapū, o ōna iwi hoki.

He tāpaetanga ā-matihiko te āhua o te KETE MANARUA ka tukuna mai e te kura, ā, he kōpaki, he kiriata, he kōrero ā-waha, he rauata, he tuhinga, he pūrongo, he whakaaturanga, he rātaka, he mahi rangahau, he aha atu, he aha atu ngā momo tāpaetanga.

He mihi ki te kaihanganga o te mahinga toi kei te uhi mua. I whakaaturia te taonga i te Ringa Toi Exhibiton 2024.
Chambers, Sophie. (2024) *Heritage*. Gisborne Girls High School.



Te Toi Ataata

92086 Te whakamahi i ngā āhuatanga toi ataata kia puta ai he mahinga toi

(Te Kaupae 1, Ngā Whiwhinga: E 4)

Kairangi	Kaiaka	Paetae
Ka whakamahi i ngā āhuatanga toi ataata e whai tikanga ana kia puta ai he mahinga toi.	Ka whakamahi i ngā āhuatanga toi ataata e whaitake ana kia puta ai he mahinga toi.	Ka whakamahi i ngā āhuatanga toi ataata kia puta ai he mahinga toi.

Te Tūmahi Aromatawai ā-Waho

He tauira te/ngā Tūmahi Aromatawai ā-waho e whai ake nei hei kōwhiringa mā te Pouako. Ka whakamahia rānei, ka whakarite Tūmahi Aromatawai ā-Waho anō rānei, kei te Pouako te tikanga.

Te Kōpaki Toi Ataata: He rātaka ataata

He Whakamārama

Me kōwhiri e te ākonga kia WARU ngā pepa matatahi A4 (kia WHĀ ngā pepa matatahi A3 rānei) e whakaatu ana i ngā āhuatanga toi ataata pēnei i ngā huānga, i ngā tūnga, i ngā pūkenga, me ētahi atu mahi whakarite ka oti i te ākonga. Me mātua noho mai tētahi whakaahua o te mahinga toi ataata motuhake kua oti i te ākonga.

Te Mahi a te Ākonga

Ko ngā pepa matatahi ka kōwhiria, me ahu mai i ngā puka mahi toi, i ngā kohikohinga mahinga toi kua oti kē i te ākonga i te roanga o te tau, i roto i te akomanga.

Ka whakaputa i tētahi mahinga toi ataata e whakaatu ana i ngā āhuatanga toi kua tautohua e te ākonga. Me tuku mai i tētahi whakaahua o taua mahinga toi ataata kua oti i te ākonga.

Ko ngā tauira mahinga toi ataata e whai ake ana:

- He mahinga toi peita (he papa kōwhaiwhai, he peita waitara, he peita tūturu, he peita tangata)
- He mahinga toi whakairo (he wahaika, he patu, he taonga whakatairanga)
- He mahinga toi raranga, he kākahu rānei (he kete, he taonga whatu/tāniko, he kākahu tukuru)
- He mahinga toi kiriata/whakaahua
- He mahinga toi tārai (he taonga puoro, he whakakai, he mātātuhi, he mahinga uku).

Te Paerewa Paetae

Aronga	Toi Ataata 1.4	Putanga	3
Ingoa	Te whakamahi i ngā āhuatanga toi ataata kia puta ai he mahinga toi		
Kaupae	1	Whiwhinga	4
		Aromatawai	Ā-waho
Marau akoranga	Te Marautanga o Aotearoa		
Kokonga akoranga	Toi Ataata		
Mana rēhita	Kua rēhitatia	Te rā i mana ai	Hakihea 2023
Te rā e arotakengia ai	Hakihea 2028	Te rā i puta ai	Hakihea 2023

Te Whāinga

Ko te whāinga o tēnei paerewa paetae he whakamahi i ngā āhuatanga toi ataata kia puta ai he mahinga toi.

Paearu Paetae

Paetae	Hei tohu i te paetae: <ul style="list-style-type: none"> • Ka whakamahi i ngā āhuatanga toi ataata kia puta ai he mahinga toi.
Kaiaka	Hei tohu i te kaiaka: <ul style="list-style-type: none"> • Ka whakamahi i ngā āhuatanga toi ataata e whaitake ana kia puta ai he mahinga toi.
Kairangi	Hei tohu i te kairangi: <ul style="list-style-type: none"> • Ka whakamahi i ngā āhuatanga toi ataata e whai tikanga ana kia puta ai he mahinga toi.

Kōrero Āpiti

- 1 I ahu mai tēnei paerewa paetae i te Taumata 6 o Te Marautanga o Aotearoa (Te Tāhuhu o te Mātauranga, 2017). E hono ana ki te Papa Whakaako mō Ngā Toi kei: <https://ncea.education.govt.nz>

Whāinga Paetae

Ka tūhura hōhonu, ka rapu mātāpuna whakahihi, ka tautohu, ka whai māramatanga:

- i ētahi ariā whakamahi i te hangarau;
- hei whakamahi tōtika i ngā taputapu hei whakawhitiwhiti whakaaro;
- ki te kunenga me te tūhuratanga a ngā kaitoi.

2 E whai ake nei ngā whakamārama mō ngā paearu paetae:

<i>Ka whakamahi i ngā āhuratanga toi ataata kia puta ai he mahinga toi.</i>	Ka kōwhiri, ka whai i ngā āhuratanga toi ataata e hāngai ana ki te horopaki.
<i>Ka whakamahi i ngā āhuratanga toi ataata e whaitake ana kia puta ai he mahinga toi.</i>	Ka kōwhiri, ka whai i ngā āhuratanga toi ataata e whaitake ana ki te horopaki.
<i>Ka whakamahi i ngā āhuratanga toi ataata e whai tikanga ana kia puta ai he mahinga toi.</i>	Ka kōwhiri, ka whai i ngā āhuratanga toi ataata e whai tikanga ana ki te horopaki.

3 E whai ake nei ngā whakamārama mō ngā kupu me ngā kīanga whaitake matua o te paerewa nei:

<i>āhuratanga toi ataata</i>	Ngā āhuratanga katoa e hāngai ana ki te mahi waihanga toi ataata, arā: <ul style="list-style-type: none"> • ngā ariā toi ataata pēnei me te kōrero pūrākau, te whakapapa, te aronga ā-iwi • ngā tukanga toi ataata pēnei me te rangahau, te whakarite, te whakamahere • ngā huānga toi ataata pēnei me te rārangi, te tae, te kakano • ngā pūkenga toi ataata pēnei me te arohaehae, te arotake, te manawanui • ngā nuka toi ataata pēnei me te tāruarua, te whakaata, ngā tohu. Ehara i te mea me mahi te katoa; ko te tikanga ia, kia kōwhiria ngā āhuratanga e hāngai ana ki te horopaki.
<i>mahinga toi</i>	He mahinga toi motuhake, he kohikohinga, he tauira hukihuki, he tāruatanga rānei nā te ākongā anō i waihanga.
<i>hāngai</i>	Ka kitea te hononga ki te kaupapa.

<i>whaitake</i>	Ka āta whakaarohia, ka tūhonoa atu ki te kaupapa kia kitea ai tōna take.
-----------------	--------------------------------------------------------------------------

4 Arā ngā Tikanga Aromatawai mō tēnei paerewa paetae, kei:

<https://ncea.education.govt.nz>

5 Kuputaka

āhuatanga	<i>aspect, characteristic</i>
ariā	<i>concept, theme, idea</i>
tukanga	<i>process</i>
huānga	<i>element</i>
pūkenga	<i>skill</i>
nuka toi	<i>Māori arts feature</i>
mahinga toi	<i>art work</i>
hāngai	<i>appropriate, connected to</i>
whaitake	<i>relevant, valid</i>
whai tikanga	<i>meaningful, purposeful</i>
kohikohinga	<i>series</i>
tauirā hukihuki	<i>draft, series of drafts</i>
tāruatanga	<i>cover, rendition</i>

Kōrero Whakakapinga

I whakakapingia ngā paerewa 91706-91713 e ngā paerewa 92082, 92084-92086.

Tātari Kounga

- 1 Me mātua whakamana ngā Kaituku Akoranga me ngā Whakahaere Whakangungu Ahumahi e te Mana Tohu Mātauranga o Aotearoa ka rēhita ai i ngā hua ka puta mai i ngā aromatawai ki ngā paerewa paetae.
- 2 Ko ngā Kaituku Akoranga me ngā Whakahaere Whakangungu Ahumahi kua mana, ā, e aromatawai ana i ā rātou hōtaka ki ngā paerewa paetae, me uru rātou ki ngā pūnaha whakaōrite e tika ana mō aua paerewa paetae.

Ko te tohutoro ki te Mahere Whakamana, Whakaōritenga hoki

0233

Te Tautuhinga Aromatawai ā-Waho



Te Paerewa Paetae	92086
Te Ingoa o te Paerewa Paetae	Te whakamahi i ngā āhuatanga toi ataata kia puta ai he mahinga toi
Ngā Whiwhinga	E 4
Te Marau	Te Marautanga o Aotearoa: Toi Ataata
Te Wāhanga Ako	Tukutuku Ako
Te Tukanga Aromatawai ā-Waho	He Kete Manarua
Te Momo Tāpaetanga ā-Matihiko	He konae tuhituhi – .PDF (5–20 whārangi) He kiriata – .mp4 .avi .mov .m4v (5GB)
Te Rā Tuku Aromatawai ā-Waho	Te Wāhanga 4–Te 29 o Oketopa, 2025
Ngā Wātaka Aromatawai ā-Waho	1. Te Wātaka Whakamātautau 2025 2. Te Wātaka Aromatawai ā-Waho 2025

Te Whakatakotoranga Aromatawai ā-Waho

Me whakatakoto te ākonga i tētahi kōpaki toi ataata ā-matihiko o ngā mahi whakarite me ngā tukanga hoki, hei whakaputa i tētahi mahinga toi ataata motuhake.

Ko ngā tauria e whai ake ana:

- He mahinga peita (he papa kōwhaiwhai, he peita waitara, he peita tūturu, he peita tāngata).
- He mahinga whakairo (he wahaika, he patu, he taonga whakatairanga).
- He mahinga raranga (he kete, he taonga whatu/tāniko).
- He mahinga kiriata/he whakaahua.
- He mahinga tārai (he taonga puoro, he whakakai, he mahinga toi, he mahinga uku).

Mō te kōpaki toi ataata ā-pepa, me whakatakoto tūturu mai ngā pepa katoa ki tētehi pukapuka, kua tauherea rānei kia noho piri ngā pepa katoa. He mahi takitahi tēnei mahi nā te ākonga; me te whakatakoto taunakitanga mō te aromatawai ā-waho.

E whakaatu ana te Kete Manarua i tētahi tauria hei kōwhiringa mā te kaiako. Mā te kaiako tonu e whiriwhiri mēnā rānei ka whakamahia te/ngā tauria nei, ka whakamahia rānei he mahi whakaharatau, ka whakaritea rānei he Tūmahi Aromatawai anō.

Ngā Herenga Aromatawai ā-Waho

Kia tutuki pai ai te Kete Manarua ā-matihiko nei:

- me whakaputa hei PDF;
- me noho te rahinga tuari ki raro i te 5GB e pai ai te tārewatanga o ngā mahi ki te [Online Digital Submission Portal](#);

- me tika te whakaraupapatanga o ngā mahi;
- me tika te whakatakotoranga o ngā mahi (kia kua e noho tītaha, e huripoki rānei);
- me āpiti te kiriata ki te tītohunga ataata, otirā, kāore e āhei ana te tukukau noa i te honongaitua.

[Using the new digital submission portal.](#)

Te Motuhēhē o ngā mahi o ngā ākonga

Me pēhea e mōhiotia ai te motuhēhē o ngā mahi a ngā ākonga? He tukanga, he taunakitanga me whai, e mōhiotia ai nā te ākonga ake āna mahi aromatawai. Kia mataara ngā ākonga, ngā kaiako me te whānau hoki o te kura ki te motuhēhē o ngā mahi a ngā ākonga.

He māmā noa iho te tiki mahi a tangata kē, heoi, mā te mihi e whakaatu, e whakanui hoki i ngā tāngata me ngā puna awhina i puta ai ngā mahi a ngā ākonga.

Hei tauira:

- He rerenga kupu poto e tohu ana i te pūtakenga mai o tētahi kōrero;
- He rārangi tohutoro i te whārangi whakamutunga o ngā mahi;
- He mihi ki ngā puna āwhina, ki ngā puna kōrero;
- Ngā momo puna awhina, puna kōrero rānei:
 - » he kōrero ā-waha: he uiui i ngā kaumātua, i ngā pakeke, i ngā rangatira, i ngā mātanga rānei;
 - » ngā pukapuka i whakaputaina;
 - » ngā pukapuka kāore anō i whakaputaina;
 - » ngā wāhitau ipurangi, ngā honongaitua rānei.

He kōrero anō kei ngā paetukutuku NZQA:

- [Authenticity: NZQA](#)
- [Myth 3 Managing authenticity: NZQA](#)
- [Authenticity of externally assessed standards: NZQA](#)
- [Guidance on the acceptable use of Artificial Intelligence: NZQA](#)

Te Tāpaetanga me te Hāponotanga

Ko ngā tāpaetanga Kete Manarua me mahi mā te pūnaha hou (kei te paetukutuku matua o MyNZQA): Tāpaetanga pūnaha hou a NZQA.

Kāore te Kete Manarua matihiko e whakahokia ki te ākonga. Mēnā he kōrero anō mō te tāpaetanga me te hāponotanga o te mahi, mā te tari o NZQA e pānui atu ki ngā kura.

Mēnā kei te hiahia āwhina te kura ki te tuku i ngā tāpaetanga o te Kete Manarua:

- Īmērahia a assessment.service.centre@nzqa.govt.nz,
- waeahia rānei te NZQA Contact Centre i te 0800 687 296.

Te Mahere Aromatawai ā-Waho

1.4 Toi Ataata 92086: Te whakamahi i ngā āhuratanga toi ataata kia puta ai he mahinga toi

Kairangi (KR)	Kaiaka (KA)	Paetae (P)
Ka whakamahi i ngā āhuratanga toi ataata e whai tikanga ana kia puta ai he mahinga toi.	Ka whakamahi i ngā āhuratanga toi ataata e whaitake ana kia puta ai he mahinga toi.	Ka whakamahi i ngā āhuratanga toi ataata kia puta ai he mahinga toi.

Te Taunaki i te Aromatawai ā-Waho

Kairangi	Kaiaka	Paetae
Ka kōwhiri, ka whai i ngā āhuratanga toi ataata e whai tikanga ana ki te horopaki.	Ka kōwhiri, ka whai i ngā āhuratanga toi ataata e whaitake ana ki te horopaki.	Ka kōwhiri, ka whai i ngā āhuratanga toi ataata e hāngai ana ki te horopaki.